

لوح تلج

وبتسأل لا متسألش
بطلت أجاب على أسألتك
أدام ما قلت ازيك
وطمني بتسأل ليه
روح ابعده بلاش تسأل
عودت قلبي على غيابه
وداق لوعة الحرمان كثير منك
مع إنك واخذ غرفتين جواه
ساكن يعني ومتمكن
بدون اجره. بدون إحساس
داخل وخارج من بابه
بدون تأشيرة تحت سماه
وأنا صابر وأقول يعقل

بس من كتر
ما سامحتك وصدقتك
بقيت في ليلي أقول الأه
وبأعلى صوت ليا
مش قادر أتحمل
ازاي تكون جويا
ومش حاسس بوجع قلبي
وكلمة أه بتقطع كل شيء فيا
بتخرج من ضلوعي نار
بتحرق كل اللي حواليا
ومش حاسس ولا شايف
عذاب قلبي
وتقول أغلى ما ليا
ومش حاسس ولا شايف

دموع عيني
وجاي تسأل حبيبي فين
قبل ما تسأل
قول مالك حبيبي طمني
حزين قلبك وإيه غيبك عني
كلامك كان يزيل همي
وأرد وأقولك ليه أنا موجدوع
حلمت إنك تكون أجمل أيامي
وصحيت لقيتني أنا مخدوع
كنت فاكرك تحس بيا
قبل ما أقول الأه
مش إنت ساكن جوه قلبي
وكل لحظة معاه
بس ياخسارة

لقيت إحساسك نبض بارد

زي لوح الثلج

لما يبقى جوه ميه

كل ماده يزيد بروده

وكل ماده ينقص شويه

أنت زي لوح الثلج

جوه قلبي بردت حبي

وخلتني بدون إحساس

مليش نفس أقول سلام

ولا أرد حتى السلام

وبدون كلام

راح أقول دا الختام

خلاص أنا قلبي مات

اخرج منه وكفايه..